


夔州府志

上部卷壹

201280.259
136.1
1-24



夔州府志

補刊夔州府志序



蓋聞有官守者必以觀風咎俗為先求
治理者必以考獻徵文為要而風俗文獻
之紀載莫詳於志乘一書此膺治民之責
者固不於履新伊始置斯編于座右誠以
風土人情民生吏治皆可藉以綜其要領

夔州府志

一

衡其得失矧夔郡名勝之區土物繁興人
才輩出山峽之靈秀水木之清華古跡昭
垂鴻文燦列尤為川東最著者乎瑞恭奉

簡命來守是邦甫下車即檢察郡志而竟不
可得蓋自道光七年郡守恩遇堂繼前吳許
崔三太守纂脩刊刻後迄今已六十餘年矣

所藏之板半皆朽腐為蜃所蠹蝕閱其字
迹十存二三志書之亡職此故耳於是每
接見寅僚紳耆必再三囑託務求必得其書
以畧識其掌故嗣于城紳前巴縣教諭潘
有堂廣文處假得其所珍藏者一部披覽卒
讀綱舉目張例全體備郁郁乎煥哉竊歎恩公

夔州府志

二

之大有造於斯也瑞泣茲日淺不能博採六
十年來之政教文物如開邑之李制軍寄
膺疆圻奉節之鮑忠壯勲垂竹帛筆之於
書以光史冊而前太守脩輯之功則不敢坐
視其凌替爰將板之朽敗字之模糊者照
所得原書付梓補刊庶前日之纂述不至就

湮而後日之撰脩亦得有所憑藉矣敢謂克
嫔往哲之徽美亦聊冀免曠官之愆尤云
爾是為序

大清光緒十七年歲次辛卯仲冬既望

花翎鹽運使銜四川夔州府知府監督夔
渝兩關稅務長白誠瑞撰

夔州府志

三

重修夔州府志序

周禮小行人巡行邦國五物各有其書以周知天下之故漢則有繡衣直指凡山川

田野戶口財賦政令之得失風氣之貞淫胥於是乎咨焉蓋古之小史所掌猶今之郡縣志也史之作確乎

不移志之作與時變
更況我

國家申黽郅圻

聖化日新百數十年來
聲名文物之盛興革

夔州府志

卷首

志序

二

損益之宜早燦然大
備矣夔州府志於乾
隆十一年前太守崔
邑俊重刊後迄今又
閱八十餘年矣余於

壬申歲權攝是邦為
時甚暫欲纂修郡志
適受代未果今太守
恩君成迺奮然為之
或舍舊從新或分流

別派校舊志增二十
六卷元元本本其有
闕於政教者甚鉅自
非好學深思留心風
化者曷克臻此夫已

蜀之勝古稱天府夔
州嘗荆楚上游扼瞿
唐灩澦之險為巴東
之門戶其間民俗風
謠利弊得失一切田

賦科條有積久不能
無改易者要在郡守
得人更張而整飭之
今恩君重脩郡志瞭
如指掌並博徵文獻

蒼萃搜錄以為民勸
庶幾治得其大咸知
嚮慕他如修城郭興
學校闢濬巫山之平
瀧垣山石積水以後

夔州府志

卷首

志序

五

田疇修鑿雲陽之廟
磯險灘以利行舟諸
事不勝枚舉皆彬彬
可觀蔚然振一郡之
盛以彰

朝廷郅治之隆光耀前
古宜其修輯志乘以
資考鏡洵有合於古
者小史之義焉惟余
不敏蒙

恩承乏全川以視行人之
職繡衣之使未逮良
多則又不禁撫卷滋
愧而深有望於賢太
守之匡我也
是為序

時

大清道光七年歲次丁

亥夏五月既望

賜進士出身兵部尚書

兼都察院右都御史

夔州府志

卷四

志序

七

總督四川等處地方

軍務兼理糧餉管巡

撫事戴三錫謨

重修夔州府志序

郡國之有志也其權輿
於史乎班孟堅前漢書
有地理志范蔚宗後漢
書有郡國志陳承祚因

夔州府志

卷首

志序

之作三國志常道將因
之作華陽國志自後郡
國各有分志夔州則唐
源乾曜作信州圖經李
國緯作舊圖經宋費士

戮作固陵集皆志也而
不名志至宋馬導作新
夔州志夔州志之名自
此始前明二百餘年修
夔州志者三人正德間
太守吳潛嘉靖間太守
張廷柏萬歷間太守郭
棐也

國朝康熙二十五年太平
縣令程溥得郭公之書

於廣陵肆獻之太守吳
美秀始脩夔州府志功
未藏而去太守許嗣印
成之越六十年太守崔
邑俊重修迄今又七十

九年矣志書之修守土
者其又奚辭且

國家承平百八十餘年矣
道一風同彌綸罔外況
夔州巫峯十二靈秀所

鍾人才疊出重以國學
鄉學造士選士俾爭自
濯磨以底於有成者或
處山林而為出羣之彥
或著功業而垂不朽之

名以及孝子順孫貞女
節婦不可枚舉而高人
傑士覽赤甲白鹽之勝
羨陣圖艷瀕之奇和其
聲以鳴

國家之盛者所在皆是不
有以志之是使

朝廷之教化不彰閭里之
仁風不著而數十年循
良政績亦無以昭示來

夔州府志

卷首

志序

五

茲顧久而後舉者何也
成甫下車見夫城郭祠
廟學校倉儲闕梁田賦
水利諸務皆旦夕待舉
孜孜惟恐後時者三年